



**Volumen Epistolarum, Qvas Romani Pontifices, Gregorijs III., Stephanvs III., Zacharias I., Pavlvs I., Stephanvs IV., Adrianvs et Pseudopapa Constantinus miserunt & reges Francorum, Carolvm Martellvm, ...**

**Gretser, Jacob**

**[München], 1613**

Jtem exemplar Epistolæ eiusdem Papæ, ad Domnum Carolvm Regem directa, in qua continentur vberrimæ benedictiones pro exaltatione sanctæ Dei Ecclesiæ, & de epistola Ioannis Patriarchæ Gradensis. LII.

---

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

*Item exemplar Epistole eiusdem Pape, ad  
Domnum Carolum Regem directæ, in qua continentur uber-  
rima benedictiones pro exaltatione sanctæ Dei Eccle-  
siæ, et de epistola Ioannis Patriarchæ Gradenfis.*

## LII.

Summ. 29.  
Bar. &  
Cepi.

**D**OMNO excellentissimo filio Carolo, Regi Francorum & Langobardorum atque Patri-  
cio Romanorum Adrianus Papa. Dum tanta amoris dilectio, & firma charitatis integritas, inter nos, Deo auspice, corroborata existit, magnum nobis imminet feruoris desiderium, de vestra immensa prosperitatis lætitia certos effici. Quapropter paterno sinceritatis affectu, vestram à Deo protectam excellentiam ter & in Dño plurimum osculantes, quæsumus, ut nos celerius de vestra sospitatis integritate, atque præcellentissimæ filiæ nostræ, à Deo illustratæ magnæ Reginæ dulcissimæ filiæ nostræ, nec non & excellentissimorum filiorum vestrorum, nos lætos quanto-  
cius efficere studeatis in eo, quod expectantes vsque fuimus vestros suscipere Missos, sed nondum ad nos peruenerunt, & ob hoc maxima nos dilectionis affectio cogit sinceram cordis nostri puritatem vestro regali culmini enucleanter proferre, dum nimirum vestra salus, nostra est lætitia, & prosperitatis vestræ commoditas, nostra est exultatio. Itaq; innotescimus Excellentiæ tuæ suscepisse nos epistolam directam nobis à Joanne Patriarcha Gradense, vicesima septima enim die Octobris mensis ipsa ad nos peruenit epistola, & protinus nec potum, nec cibum sumpsimus, neq; nos, neq; huius scriptor nostræ Apostolicæ relationis, sed eadem hora eodemq; momento ipsam antefati Patriarchæ

archæ Epistolam, cum his nostris Apostolicis Syllabis vobis transmisimus. Itaq; valde tristes effecti sumus, quoniã a sifoniatas bullas eiusdem epistolę reperimus, à Leone Archiepiscopo, primitus relecta nobis directæ est, & in hoc comprobare potest excellentissima Christianitas vestra, qualis est fraudulenta fides ipsius Leonis Archiepiscopi; quia non pro alio præsumpsit eandem epistolam primitus referare ac relegere, nisi vt omnia, quæ ibi adscripta sunt, vt certè omnibus manifestum est, adnuntiaret tam Arghiso Duci Beneuentano, quam reliquis nostris, vestrisq; inimicis, & dubiũ non est cuncta iam præfatis æmulis ab eodem Archiepiscopo esse adnuntiata, nos quidem, veritate testante, corã Deo, dicimus puriter & fideliter, in vestro permanentes amore, iuxta q, inter nos præsentialiter in aula Apostolica confirmatum est, ea, quæ ad nos perueniunt de præfenti cum magna cautela vobis studemus denunciare, quia post Deum, & B. Petrum alibi nostra spes & fiducia non est, nisi in vestra à Deo protecta Excellentia, tu enim, dulcissime magne à Deo illustrate Rex, noster cum Deo defensor & protector existis, quia per te sancta Dei Ecclesia spiritalis mater tua exaltata, magno exultat gaudio, cõfidentes cuncta à vobis B. Petro, pmissa velociter effectui mãcipanda.

Sed Deus omnipotens in cuius manu omnia mũdi regna cõsistunt, sua vos multipliciter foueat gratia, & beatorum Apostolorum principum Petri ac Pauli intercessionibus, longo ac prospero senio regni gubernacula possidere & pariter cum excellentissima filia nostra Regina & amantissimis natis gaudere, & cœlestia præmiorum cum sanctis perenniter vos faciat adipisci regna. Incolumem Excellentiam vestram gratia superna custodiat.

*Item*

*Embolum de Leone Archiepiscopo:*

**E**T ENIM innotescimus excellentissimæ Christiani-  
 tati vestræ, eò quòd, quando à vestra regali vestigio  
 reuersus est Leo antefatus Archiepiscopus, in magnâ  
 superbiam Tyrannicam elationem peruenit, & nullo  
 modo, sicut antea, nostris Apostolicis obtemperare  
 inclinatus est mandatis, & nullum ex Rauennatibus  
 vel Æmilia pro accipiendis præceptis, de diuersis  
 actionibus, ad nos venire permisit ita eis indignatus  
 comminatus est dicens, quod si quis ex eis, ad nos ve-  
 nire præsumpsisset, nõ potuisset venire. Nam Pentapo-  
 lenses omnes obedientes existentes in nostro Aposto-  
 lico seruitio, ad nos proni, sicut tempore prædecesso-  
 ris nostri, Domini Stephani Papæ, properauerunt, &  
 præcepta de singulis eorum ciuitatibus, more solito,  
 acceperunt. De reliquis verò ciuitatibus Æmiliæ, si-  
 mulque & Gabello, qui à nobis ibidem ordinati sunt,  
 ab eo exinde proiecti sunt, & alios ex eis in vinculis  
 detinet. At vero de ciuitatibus Imulensi seu Bono-  
 nienti, ita profanizat dicens; quod vestra excellentia  
 ipsas ciuitates minime B. Petro, & nobis concessit, sed  
 sibi ipse Archiepiscopus à vobis fuisse concessas ac tra-  
 ditas asserit, sub sua potestate permanendas. Vnde  
 nullum hominem ex eisdem ciuitatibus ad nos veni-  
 re permisit, sed ipse ibidem actores, quos voluit, sine  
 nostra auctoritate ordinauit, & in sua eas detinet po-  
 testate, & non tibi placeat excellentissime fili, vt tan-  
 to despectui hanc Apostolicam habeat sedem, non re-  
 putans, de sua promissione, quam B. Petro, & eius Vi-  
 cariis iureiurando adhibuit, sed sicut transgressor,  
 mandatorum Dei in periurij reatus incidit, etenim  
 nos

nos firmiter credimus, & magnam habemus fiduciam, quod omnia, quæ B. Petro per vestram donationem offerenda promisistis, adimplere, pro magni regni vestri stabilitate, & æterna vobis conferenda retributione, studeatis.

*Item exemplar Epistolæ eiusdem Papa, ad  
Domnum Carolum Regem directæ, per Andream & Anastasium, pro iustitia sanctæ Dei Ecclesiæ, & de Leone Archiepiscopo, qui ad iam præfatum Dominum regem properauit.*

## LIII.

**D**OMNO excellentissimo filio Carolo, Regi Summ. 30.  
Bar. &  
Cent. Francorum, & Langobardorum, atq; patricio Romanorum Adrianus Papa. Reuertentes ad nos Missi nostri, quos ad vestram à Deo illustratam præcellentiam nuper visi sumus direxisse, scilicet Andreas Reuerendissimus frater noster Episcopus, & Anastasius Cubicularius detulerunt nobis honorandos atq; mellifluos benignissimæ Christianitatis vestræ apices, quorum series, dum nostris recitaretur auribus, liquido cuncta in eis adnexa didicimus, sed & ipsi præfati vestri Missi indeminute nobis omnia, quæ illis à vobis iniuncta sunt, detulerunt plenissime, adferentes de vestra beneuola puritate, & magna cordis constantia, quam erga B. Petrum, principem Apostolorum, & nostram mediocritatem secundum vestram promissionem habere videmini, pro quo nimio repleti gaudio, ilico, extensis palmis, ad æthera, omnium creatori Domino Deo nostro immensas tulimus grates, impensius pro vestra prosperitate eius diuinã

d exoran-